



Publicaziuns dalla vischnaunca, jamna 45

Damonda da bagheggiar

Datum da publicaziun: ils 9 da november 2012

Nr. 2012-1068

Ils patrunz: Evelina e Silvio Giger-Manetsch Via da Scola 6, 7180 Disentis/Mustér

Il representant: Aluis Huonder, architect dipl. FH SIA Via da Scola 18, 7180 Disentis/Mustér

Object: Construcziun d'in niev balcun, parcella 700, Via da Scola 6, 7180 Disentis/Mustér

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da bagheggiar ein d'inoltrar a scret enteifer 20 dis alla instanza da bagheggiar, caum postal 57, 7180 Disentis/ Mustér. La protesta sto esser motivada e sustascreta dil recurrent ni da siu representant.

Disentis/Mustér, ils 5-11-2012

Uffeci da bagheggiar Disentis/Mustér

Cussegli da vischnaunca

Il cussegli da vischnaunca seraduna **venderdis, ils 9 da november 2012 allas 19.30** ella sala Peter Kaiser en claustra ad ina seduta.

Tractandas:

1. Protocol nr. 29-2009/2012
2. Iniziativa per ina midada dalla constituziun communal concerrent l'elecziun e la funcziun della cumissiun da gestiun (messadis nr. 45- e 45.1-2009/2012)
3. Regulativ dalla Biblioteca populara Disentis/Mustér e contuorn: Revisiun parziale (messadi nr. 48-2009/2012)
4. Regulativ per il survetsch dentari da scola: Revisiun totala (messadi nr. 49-2009/2012)
5. Credit per la cumpra d'ina maschina per il menaschi tecnic (messadi nr. 50-2009/2012)
6. Credit per la sanaziun dil parcadi Centrum (messadis nr. 46- e 46.1/2009/2012)
7. Direcziun communal (messadi nr. 51-2009/2012)
8. Preventiv 2013 (messadi nr. 52-2009/2012)
9. Verificaziun dall'elecziun dalla suprastanza communal 2012 (messadi nr. 53-2009/2012)
10. Agenda 2013
11. Ura da damondas (conform ad art. 44 dil regulativ da fatschentas)

Aschinavon ch'igl ei buca pusseivel da deliberar tuttas fatschentas en ina sera, ei previu *gliendisdis*, *ils 12 da november 2012 allas 20.15* el Center sursilvan d'agricultura in'ulteriura seduta.

La presidenta dil cussegli da vischnaunca

Votaziun federala e cantunala

La documentaziun da votar duess mintga votant(a) haver obtenu. Cass cuntrari san ins s'annunziar immediatamein, denton sil **pli tard entochen venderdis, ils 23 da november 2012 allas 17.00** tier l'administraziun communal (tel. 081 920 36 36).



Levgiament da votar

Mintga votant(a) ha la pusseivladad da dar giu sia vusch a scret. En gliez mument sto el/ella osservar il suandont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar **suttascret** en la cuviarta, cun la quala Vus haveis obtenu la documentazion da votaziun.
3. La cuviarta ch'ei adressada all'administrazion communal saveis Vus tarmetter cun posta (**supplicau da francar**) ni directamein fierer en la scappa da brevs dalla casa communal. Ils cedels da votar ston esser sil pli tard la sonda, ils 24 da november 2012 allas 12.00 tier l'administrazion communal. Il certificat dil dretg da votar ei da suttascriver. **Senza Vossa suttascripciuun cun agen maun ei la votaziun nunvaleivla.**

Suprastanza communal Disentis/Mustér

Scaldaments mobils el liber

«*bulius da scaldar, radiaturs, radiaturs d'infratgietschen e.a.v.*»

Tenor art. 11 al. 2 dalla lescha d'energia cantunala en cumbinaziun cun igl art. 33 dall'ordinaziun d'energia cantunala ha il departament da construcziun, traffic e selvicultura relaschau suandonta disposizion:

1. Per mintga apparat da scaldar mobil che vegn duvraus el liber per intets commercials e che ha ina prestaziun da scaldar da maximalmein 14 kW sto vegnir compensau 1 tonna CO₂. Per apparatus cun ina prestaziun da sur 14 kW e cun ina prestaziun da scaldar maximala da 28 kW sto vegnir compensau 2 tonnas CO₂ e per apparats cun ina prestaziun da scaldar maximala da sur 28 kW sto vegnir compensau 3 tonnas CO₂ e.a.v. Silmeins 20% dall'emissiun CO₂ sto vegnir compensada en Svizra.
2. Per mintga tonna che sto vegnir compensada sto vegnir taccau ina vignetta vid igl apparat da scaldar. Ina vignetta vala mintgamai 1 onn naven digl 1. Da settember entochen ils 31 d'uost. L'obligaziun da comprar ina vignetta exista naven dall'emprema gada ch'igl apparat da scaldar mobil vegn mess en funcziun duront la perioda da scaldar respectiva.
3. La compensaziun dall'emissiun da CO₂ succeda entras il gestiunari ni entras la vischunaunca.
4. Sch'ils gestiunaris compenseschan sez l'emissiun da CO₂, vegn la vignetta concedida gratuitamein entras la vischunaunca. La compensaziun sto vegnir cumprovada cun in certificat d'ina interpresa specialisada sil sector dalla compensaziun da CO₂ (p. ex. myclimate). Per apparats da scaldar electrics po l'obligaziun da compensar l'emissiun da CO₂ era vegnir ademplida, sch'ei vegn applicau – per mintga tonna CO₂ che sto vegnir compensada – cumprodavamein 4500 kWh d'electricitat ch'ei vegnida producida cun energias regenerablas.
5. Sch'ils gestiunaris compenseschan buca sez l'emissiun da CO₂, ston els comprar tier la vischunaunca ina vignetta per mintga tonna CO₂ che sto vegnir compensada. Il prezi per vignetta importa frs. 60.–.
6. Las vischunauncas impundan igl entir recav dalla vendita da vignetas per compensar l'emissiun da CO₂. Igl uffeci d'energia e traffic metta a disposiziun in agid d'execuziun per las vischunauncas.
7. Per decretar sancziuns en cass da cuntravenziuns, en special incassar multas, ein las vischunauncas responsablas (art. 36 s. LEG).
8. Quell'ordinaziun entra en vigur igl 1. da settember 2011.

Las vignetas san vegnir retratgas **naven digl 1. d'october 2012** tier l'administrazion communal. Per ulterior sclariment stat igl uffeci da bagheggiar (Ervin Maissen, tel. 081 920 36 46) a disposiziun.

Suprastanza communal Disentis/Mustér



Seivs mobilas per la pasculaziun

Tenor art. 75, al. 1 dalla lescha da baghegiar ston seivs mobilas vegnir allontanadas *immediatmein* suenter la pasculaziun. Quei vala era per seivs da gatter. Igl unviern vargau ein differentas seivs buca vegnididas allontanadas. Entras quellas seivs ein capitai differents accidents cun animals selvadis. Tals accidents san vegnir evitai. Pigl atun proxim vegnan ils organs da catscha e la vischnaunca a menar atras controllas, schebein quellas seivs ein vegnididas allontanadas. Las seivs buca allontanadas vegnan a vegnir allontanadas senza avisar ils pertuccai sin donn e cuost dil proprietari da terren. Nus supplichein da prender enconuschientscha da quei fatg e prender las mesiras prescrettas.

Disentis/Muster, october 2012
Suprastanza communala

Ordentliche Kirchgemeindeversammlung der Evangelisch-ref. Kirchgemeinde der Cadi

Sonntag, 11. November 2012, um 12.00 Uhr im Kirchgemeindezentrum Aua Viva in Disentis.

Liebe Kirchgemeindemitglieder

Im Anschluss an den Gottesdienst begrüssen wir zuerst alle ganz herzlich zu einem kleinen Apéro.

Die Versammlung findet dann im Anschluss statt.

Wir freuen uns auf Euer zahlreiches Erscheinen.

Traktanden:

1. Begrüssung
2. Wahl der Stimmenzähler/innen
3. Genehmigung des Protokolls der Kirchgemeindeversammlung vom 21. Mai 2012
4. Bestätigung des Steueransatzes 2013
5. Budget 2013
6. Informationen und Varia

Der Kirchgemeindevorstand:

Corinne Defuns, Silvia Berther, Susanne Strupler und Andrea Boeck

Biblioteca populara Mustér Kamishibai cun Mats, la miur

Eis ti denter 3 e 7 onns? Has ti gust da vegnir cun tia mumma ni cun in'autra persuna d'accumpagnament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surpresas en fuorma da Kamishibai e quei mintga gada **il secund venderdis dil meins dallas 14.30 tochen ca. las 15.30.**

Nus selegrein zun fetg sin tei ...

Tgisa, forsa anflein nus mintgaton aunc enzatgei auter che mo cudischs en nossa valischa da supressas! Cun ils pli cars salids e sin seveser tochen gleiti.

*Mats, la miur ed il team
dalla biblioteca populara Mustér*

Termins: 9 da november, 14 da december 2012, 11 da schaner, 8 da fevrer, 8 da mars, 12 d'avrel, 10 da matg ed ils 14 da zercladur 2013



**Mummas cun affons pigns
Teater da casparets**

«Il crap che tschontscha»

Mesjamna, ils 21 da november 2012 allas 15.00 essas Vus tuts cordialmein envidai a nies teater da casparets che ha liug en casa da scola a Segnas. Silsuenter purschein nus ad in e scadin petta e caffè. Nus selegrein sin Vossa viseta.

Mummas cun affons pigns Mustér

Cuors agid d'urgenza

L'Uniun samaritana Mustér organisescha in cuors agid d'urgenza (Nothilfekurs) tenor las directivas SSB.

Datum: **venderdis, ils 16-11-2012**, 16.00–18.00
sonda, ils 17-11-2012, 8.00–12.00
sonda, ils 24-11-2012, 8.00–12.00

Liug: casa da scola, Mustér

Annunzias: Ein da far entochen ils **16-11-2012** tier: Yvonne Flepp, tel. 081 947 50 35 e-mail:
yvonne.flepp@kns.ch

**Ludoteca Disentis/Mustér
Di dallas portas aviartas per in e scadin**

Mira sut Surselva, rubrica Ludotecas.

Uniun da Kneipp Surselva

Referats a Mustér amira sut Surselva.

**Uniun da dunnas Medel
Cuors: Tschupi d'avvent e decorazion pigl esch-casa**

Mira sut Medel.

**Occurrenza da rimnar velos per l'Africa
Sammelaktion Velos für Afrika**

Mira sut Surselva.